

Egibar: «Ertzaintzaren eta EAJren kontrako atentatu zuzena izan da»

Euskal instituzioen kontrako erasotzat jo dute alderdi gehienek

Alderdi politiko gehienek Joseba Goikoetxea Asla ertzaintzaren kontrako atentatuaren «esangura politiko berezia» azpimarratu zuten beren gaitzespen agirietan eta herriaren instituzio baten kontrako eraso iritzi zioten. EAJk, berriz, bere alderdiaren kontrako atentatutzat jo zuen.

BILBO

Joseba Egibar Euzko Alderdi Jeltzaleko bozeramailearen esanetan, Joseba Goikoetxe sarjentu nagusiaren kontrako atentatua «Ertzaintzaren, herri honek berarentzat sortutako instituzioaren eta baketzearen alde lan egiten ari den Polizia baten kontrako atentatu zuzena izan da, eta orobat EAJren kontrako atentatu zuzena izan da».

Azken urteotan Joseba Goikoetxea «zigortzeko kanpaina» bultzatzea leporatu zien Egibarrek Herri Batasunari eta 'Egin' egunkariari, baina «jauzi koalitatibotzat» jo zuten gertatutakoa, «bere kontra atentatu dute, bere bizia arriskuan dago eta egoera atzerazinean dago».

Halaber, EAJren iritziz, bere alderdiaren kontrako atentatu zuzena izan da, «Joseba Goikoetxearen oinarritzko ezaugarria, bere jardura politikoari dagozkionez, EAJko kide izatea baita». «EAJren bihotza, gunea atentatu nahi izan dute, eta mina egin nahi bazuten, lortu dute», esan zuten Egibarrek. Jeltzaleak lasaitasuna eta tinkotasuna eskatu zuten egoerari aurre egiteko.



Atutxa hospitalean izan zen goizean eta bertan egin zuen atentatuaren balorazioa.

X.SIMAL

JAUREGI: PSE-EEko buruzagiaren ustez, Bilboko atentatuarekin ETAK Ertzaintza «beldurtu» nahi izan du. Horren inguruan, Ertzaintzak indarkeriaren aurkako borrokan izan duen «inplikazioari eta profesionaltasunari» eustea eskatu zuen, «euskal herritarrei segurtasuna emateko eta terrorismoari amaiera emateko».

BUESA: Atentatua «ETAren basakeria bat gehiago» dela adierazi zuen Jaurilaritzako lehendakariordeak, «baina ez gaitu harritu behar terroristek Poliziaren kontra, autonomikoa edo nazionala, atentatzeak».

GARAIKOETXEA: «Ez dago zalantzarik atentatu honek, aurrekari nazionalista nabarmenak

dituen Ertzaintzako kide baten kontra egindakoa, esanahi politiko berezia duela. Atentatu honek erabateko mesprezua erakusten du euskal gizartearen baitan, eta zehazki mundu nazionalistan, balizko enfrentamendu batek sorlitzakeen ondorioekiko. Biktimarekin izandako kontentzioso judiziala alde batera utzita, ekinza kriminal honen gaitzespen gogorrena adierazi nahi dugu».

EUE: «Joseba Goikoetxearen kontra atentatu dutenek biolentzia espirala estutu nahi zuten, Ertzaintzako kide izaera bereiztuz. Baina gizaki guztien giza eskubideak defenditzen ditugunok eta indarkeriaren biktimak bereizteari uko egiten diogunok argi esaten dugu giza eskubideen

kontrako atentatu hau gure herriari hautatutako instituzio baten kontrako atentatua ere badela».

ANASAGASTI: Zauritutako ertzaina ondo ezagutzen duen EAJko diputatuak frankismoaren kontra egindako lana azpimarratu zuen. «Anaia bat zen. Biok atxiloturik egon ginen 1976an, propaganda ilegala jartzeaz akusatuta» adierazi zuen. Anasagastik ere EAJren kontrakotzat jo zuen atentatua, «soslai berezia du, EAJri oso lotutako pertsona baitzen Goikoetxea. Ia EAJren kontrako atentatua da». Halaber, zauritutako ertzaina goraiatu zuen, «polizia eredugarria izan zen, bere garaian torturatu egin baitzuten, baina berak ez zuen inoiz inor torturatu. Agian hori da

Atutxak KAS, HB eta 'Egin' egunkariari egotzi die atentatuaren erantzukizuna

INAKI URIARTE / BILBO

Juan Maria Atutxa Barne sailburua Basurtoko ospitalean izan zen atzo goizean Jose Manuel Martiarena Ertzaintzako zuzendariarekin batera. Bertan egin dako adierazpenetan, KAS, HB eta 'Egin' egunkariari leporatu zien Atutxak Ertzaintzako sarjentu nagusiaren kontrako atentatuaren erantzukizun politikoa.

«Gertakizun honen errua KASen estratejiari leporatzen diogu, beraien ezkutatzeko eta anonimato koldarretik markatzen baitute estrategia, gaur bezalako gertakizun mingarriak gerta daitezkeen», esan zuen.

Bere gaitzespenak Herri Batasunari ere zuzendu zizkion.

«HBk erakunde terrorista honen pantaila gisa funtzionatzen du, euritako kamuflatu horren pean —ETAK— lor dezaten gizarte babesa». Barne sailburuak dei egin zien HBko hautesleei erakunde politiko honi ez diezaioten botorik eman, «eskatzen diet kontuan har dezaten beraien zeharkako erantzukizuna koalizio hori bultzatzen dutenean».

Juan Mari Atutxak 'Egin' egunkariari zuzendu zion gaitzespenik gogorrena. «Denbora luzez motoreak berotuz joan da eta pistola batzuen kakoa olioztatuz joan da, langile eta abertzale baten pertsonaz eta herri honen etorkizuna eta aurrerapenaren aldeko pertsonaz idatziz, nolabait eragin du gaur jasaten ari garen

gertakizuna gara zedin».

Barne sailburuak ezetsi zuen atentatua EAJ alderdiko kidea izanagatik gertatu denik. Ertzaintzak orain arteko estratejiari eutsiko diola nabarmendu zuen: «Betidanik jarraiki gaitzaizkie koldarki edozein estrategia bortitza erabiliz herri hau porrotera eta aterabiderik gabeko tokira eramaten duena».

Goikoetxea Asla Kazetaritza Fakultatean matrikulatu berri zela jakinarazi ostean kazetariari dei egin zien «Joseba Goikoetxea bezala Euskadiren onerako hainbeste urtetan lan egin duten pertsonak ikusmiran jartzeko komunikabideak, edo komunikabide jakin bat, erabiltzen duten lankide sarraskijaleei maskara



Martiarena Basurton.

SIMAL

ken diezaieten». Atutxak «euskaldun abertzale eta diktaduraren aurka borrokatzeagatik espetxean egon zen pertsona» gisa aurkeztu zuen Goikoetxea Asla.



HONDARRIBIKO UDALA

IRAGARKIA

Udal Pleno Txit Gorenak, joan den azaroaren 4ean eginiko bilkuran, uztailaren 5eko 11/89 Foru Arauak eta gainontzeko xedapen baterakorrekin ematen dizkieten ahalmenak erabiliz, ZERGA LOKALAK ETA PREZIO PUBLIKOAK ezarri eta erregulatzeari buruzko akordioak hartu ditu, 1994eko urtarrilaren 1etik aurrera aplikatuak izango direlarik.

Horiei dagozkien espedienteak, Udal Kontuhartzailetza Bulegoan egongo dira agerian 30 egunez, iragarkia Gipuzkoako Aldizkari Ofizialean argitaratzen den egunaren hurrengotik kontatzen hasita, egokirik ez den erreklamazio oro aurkeztu ahal izan dadin.

Publiko egiten delarik, aipatutako 11/89 Foru Araueko 16.2 artikulua ezarritakoa betez.

Hondarribia, 1993ko azaroak 16.
ALKATEAS